



# ISKLJUČIMO SEKSUALNO NASILJE **NAD ŽENAMA I DJEVOJČICAMA**

**16 dana aktivizma**  
**“Isključimo nasilje, uključimo prevenciju!”**  
25. novembar - 10. decembar 2021.

# SADRŽAJ

UVOD .....	<b>3</b>
ISKLJUČIMO SEKSUALNO NASILJE NAD ŽENAMA I DJEVOJČICAMA .....	<b>4</b>
Otvaranje kampanje .....	<b>4</b>
Kampanja na društvenim mrežama.....	<b>7</b>
Završni događaj.....	<b>9</b>
Kampanja u medijima.....	<b>11</b>
SINERGIJA SA DRUGIM INICIJATIVAMA ZA SPREČAVANJE NASILJA NAD ŽENAMA.....	<b>12</b>
Treći regionalni forum: Sprečavanje nasilja nad ženama u zemljama Zapadnog Balkana i Turskoj "Integrисane politike, inkluzivna partnerstva".....	<b>12</b>
Formalizacija Akcione koalicije o rodno zasnovanom nasilju u BiH.....	<b>14</b>
PROMOVIRANJE RODNE RAVNOPRAVNOSTI I OSNAŽIVANJA ŽENA U EVROPI I CENTRALNOJ AZIJI - SAŽETAK ISTANBULSKE KONVENCIJE.....	<b>16</b>

# UVOD

## Globalna kampanja “16 dana aktivizma”

Globalna kampanja „16 dana aktivizma protiv rodno zasnovanog nasilja“ je godišnja kampanja na međunarodnom nivou koja počinje 25. novembra, Međunarodnog dana eliminacije nasilja nad ženama, i traje do 10. decembra, Međunarodnog dana ljudskih prava. Koristi se kao strategija za organiziranje pojedinaca/ki i organizacija širom svijeta u cilju zagovaranja prevencije i eliminacije nasilja nad ženama i djevojčicama. U cilju pružanja podrške ovoj inicijativi civilnog društva, kampanja pod vodstvom generalnog sekretara Ujedinjenih nacija, Antónija Guterresa „Ujedinimo se do 2030.“<sup>1</sup> u cilju eliminiranja nasilja nad ženama, poziva na globalno djelovanje u cilju podizanja svijesti, učvršćivanja zagovaračkih napora i dijeljenja znanja i inovacija u ovoj oblasti.

Radi se o višegodišnjim aktivnostima za prevenciju i eliminaciju nasilja nad ženama i djevojčicama širom svijeta. Globalna kampanja za 2021. godinu uzima u obzir okolnosti pandemije COVID-19 i globalni porast nasilja nad ženama i djevojčicama. Sve vlade se pozivaju da se obavežu i poduzmu mјere na nivou politika u četiri glavne oblasti djelovanja: **FINANSIRANJE, PREVENCIJA, ODGOVOR (na nasilje) i PRIKUPLJANJE (podataka).**

## UN Women kampanja u BiH

Kampanja UN Women BiH za 2021. konceptualno pripada temi **PREVENCIE** i uzima u obzir povećani fokus na problemima seksualnog nasilja i seksualnog uznemiravanja žena i djevojčica u BiH. Tokom novembra i decembra 2021. godine, UN Women kroz kampanju 16 dana aktivizma vraća fokus javnosti na problem seksualnog nasilja nad ženama u BiH s ciljem produbljivanju diskusije o specifičnim izazovima u vezi sa zaštitom i podrškom osobama koje su preživjele seksualno nasilje.



## Seksualno nasilje u BiH

Prema istraživanju koje je 2019. godine proveo OSCE, svaka druga žena u BiH starija od 15 godina doživjela je neki oblik nasilja. Seksualno nasilje doživjelo je 10%, a seksualno uznemiravanje 28% žena u BiH<sup>2</sup>. Međutim, podaci nisu sveobuhvatni i predstavljaju samo vrh ledenog brijege, odnosno samo mali dio velikog problema: mnogi slučajevi ostaju neprijavljeni zbog stigme ili zbog činjenice da žene ne prepoznaju da su žrtve nasilja.<sup>3</sup> Istovremeno, izbjeganje pandemije oboljenja COVID-19 dodatno je pogoršalo situaciju: dostupni podaci pokazuju kako se broj slučajeva nasilja nad ženama povećao u zemljama u kojima su na snazi mјere za suzbijanje širenja virusa, uključujući i BiH.

Problem seksualnog nasilja i seksualnog uznemiravanja je rapidno došao u fokus javnosti sredinom januara 2021. godine kada je poznata glumica u Srbiji progovorila o iskustvu seksualnog zlostavljanja. To je pokrenulo lavinu reakcija i svjedočanstava žena i djevojaka iz regionala o iskustvima seksualnog nasilja. Kroz pokret „Nisi sama“ žene progovaraju o svojim iskustvima u nadi da će njihova svjedočanstva u konačnici dovesti do promjene u stavovima i boljeg sistema odgovora.

Kako bi iskoristila momenat i zadržala pitanje seksualnog nasilja u javnom diskursu, agencija UN Women u BiH je kampanju 16 dana aktivizma fokusirala na pitanja seksualnog nasilja sa osnovnom porukom „Isključimo nasilje, uključimo prevenciju!“

# ISKLJUČIMO SEKSUALNO NASILJE NAD ŽENAMA I DJEVOJČICAMA

## Otvaranje kampanje

„Isključimo seksualno nasilje nad ženama i djevojčicama“ poruka je kampanje koju UN Women BiH, uz podršku Švedske, već petu godinu zaredom provodi od 25. novembra do 10. decembra u BiH. Ove aktivnosti su dio globalne kampanje „16 dana aktivizma protiv rodno zasnovanog nasilja“, koja poziva na zaustavljanje svih oblika nasilja nad ženama i djevojkama. Pod sloganom „Isključimo nasilje, uključimo prevenciju“ kampanja je imala za cilj da zadrži fokus na temi seksualnog nasilja, s posebnim pažnjom na zagovaranje unapređenja zakonodavnog i institucionalnog okvira za rješavanje slučajeva seksualnog nasilja u BiH. Osim toga, kampanja je bila usmjerena na stavove mlađih o seksualnom uznemiravanju, pristanku i njihovoj povezanosti sa prevencijom seksualnog uznemiravanja i seksualnog nasilja.

U kampanji su učestovali predstavnici/ce institucija, organizacija civilnog društva, međunarodne zajednice, mlađi i javne ličnosti koji su dali doprinos u podizanju svijesti o važnosti ovog problema.

Kampanja „Isključimo seksualno nasilje nad ženama i djevojčicama“ je započela 24. novembra 2021. organizacijom hibridnog događaja (kombinacija događaja sa fizičkim prisustvom i webinarom putem aplikacije Zoom). Uvodni govornici/e su bili/e: **Samra Filipović - Hadžiabdić**, direktorica Agencije za ravnopravnost spolova BiH, **Nj.E. Johanna Strömquist**, ambasadorica Švedske, **David Saunders**, predstavnik UN Women u BiH i **Ana Vuković**, direktorica Gender centra Federacije BiH. Nakon uvodnih govorova održana je panel diskusija na temu „Borba protiv seksualnog nasilja u BiH - Izazovi i prilike“ u kojem su učestvovali: **Ivana Marković**, pravna ekspertica i profesorica na Univerzitetu u Banjoj Luci; **Fatima Bećirović**, stručnjakinja iz oblasti nasilja nad ženama pri Gender centru FBiH; **Gorica Ivić**, stručnjakinja iz oblasti nasilja nad ženama iz Fondacije Udružene žene Banja Luka i **Nasiba Pozder**, zastupnica u Predstavničkom domu Parlamenta FBiH. Događaj je moderirala novinarka Marina Riđić. Oko 50 učesnika/ca je pratilo događaj, od kojih 31 putem aplikacije Zoom i 20 uživo. Događaj je također prenošen uživo na Facebooku.

Povodom otvaranja kampanje 16 dana aktivizma održana je panel diskusija sa stručnjakinjama o temi seksualnog nasilja u BiH – Sarajevo, 24. novembra, 2021.




Foto: UN Women BiH/Vladana Vasić

## Uvodni govori

---



*„Bosna i Hercegovina je potpisnica Istanbulske konvencije na osnovu čega je dužna ispuniti mnoge obaveze. Potrebno je raditi na jačanju pravosuđa, policije, centara za socijalni rad i na tome Agencija za ravnopravnost spolova Bosne i Hercegovine predano radi.“*

### **Samra Filipović - Hadžiabdić**

direktorica Agencije za ravnopravnost spolova BiH, MLJPI

---



*„Sve osobe imaju pravo na tjelesni integritet i na život bez nasilja. Kako bismo osigurali ova osnovna prava za žene i djevojke, zakonodavstvo u oblasti prevencije i borbe protiv nasilja mora biti uspostavljeno, mora postojati dovoljno finansijskih sredstava za provedbu, i politika razvijenih za promjene štetnih normi i stavova u društvu.“*

### **Johanna Strömquist**

ambasadorica Švedske u BiH

---



*„Danas smo ovdje da se zalažemo protiv seksualnog nasilja nad ženama i djevojkama. Odlučni smo u tome da se borimo protiv seksualnog nasilja nad ženama kreiranjem sigurnih okruženja. Žene i djevojke moraju biti zaštićene od zlostavljanja i seksualnog nasilja u njihovim domovima. Moraju biti zaštićene od zlostavljanja na poslu i na ulici. Moraju biti zaštićene od osuđivanja i stigme.“*

### **David Saunders**

predstavnik UN Women u BiH

---



*„Usvajanjem zakonskih propisa koji reguliraju problem nasilja u porodici i nasilja nad ženama, u koji spada i seksualno nasilje, kao i ratifikacijom Istanbulske konvencije, Bosna i Hercegovina je vrlo jasno opredijeljena za kontinuiranu borbu protiv svih oblika nasilja u porodici i nasilja nad ženama, s ciljem kreiranje društva sa nultom stopom tolerancije na bilo koji oblik nasilja.“*

### **Ana Vuković**

direktorica Gender centra Federacije BiH

---

## Panel diskusija na temu „Borba protiv seksualnog nasilja u BiH – izazovi i prilike“

Panelisti su na okruglom stolu razgovarali o unapređenju zakonodavnog i institucionalnog okvira za rješavanje slučajeva seksualnog nasilja u BiH te o potrebi povećanja specijaliziranih usluga za žrtve seksualnog nasilja i seksualnog uzinemiravanja.

Zaključeno je da prioriteti rada u narednom periodu trebaju biti:

- postrožavanje sankcionisanja krivičnih djela koja predstavljaju seksualno nasilje, bez obzira na prirodu odnosa između žrtve i počinitelja i/ili postojanje fizičkog otpora od strane preživjele;

- Jačanje postojećih usluge za osobe koje su preživjele nasilje te uspostavljanje specijaliziranih službi za žrtve seksualnog nasilja u skladu sa Istanbulskom konvencijom;
- Kontinuirani rad na promjeni društvenih stavova u vezi sa nasiljem.

Zaključci ove diskusije preneseni su u publikaciju "Rodna ravnopravnost u fokusu" koja će u narednim mjesecima biti podijeljena sa donosiocima odluka u BiH i ostalim relevantnim akterima.



Foto: UN Women BiH/ Adis Nović

Povodom otvaranja kampanje 16 dana aktivizma održana je panel diskusija sa stručnjakinjama o temi seksualnog nasilja u BiH – Sarajevo, 24. novembra, 2021.

## Kampanja na društvenim mrežama

Kampanja na društvenim mrežama je uključivala ukupno 14 objava sa dvojezičnim objavama glavnih poruka kampanje, kao i porukapoznatih ličnosti s ciljem podizanja svijesti o rasprostranjenosti i posljedicama seksualnog nasilja nad ženama. Svih 14 objava brendirano je i kreirano u skladu sa vizuelnim identitetom kampanje

## DOSEG KAMPAJNE NA DRUŠTVENIM MREŽAMA

**20. NOVEMBAR – 10. DECEMBAR 2021.**



**25,2K pregleda**



**8K doseg**



**3,7K impresija**



U cilju dodatnog privlačnja pažnje mlađe populacije, angažovali smo influencere i poznate ličnosti da podrže kampanju (Dino Merlin, Maja Miralem, Samira Poričanin Petrešin, Dijana Tepšić i Mirza Mustafagić).

**Dijana Tepšić**

"Niko nema pravo da te dodiruje ili ti se obraća na način koji kod tebe izaziva strah, neugodnost ili neprijatnost. Prepoznaj seksualno uznemiravanje i nasilje!"

**Samira Poričanin Petrešin**

"Svaka druga žena starija od 15 godina u BiH je preživjela neki oblik nasilja, uključujući i seksualno, a i dalje ne postoji dovoljan broj specijaliziranih ustanova i usluga podrške!"

**Dino Merlin**

"Svako nasilje je kršenje osnovnih ljudskih prava!"

**Mirza Mustafagić**

"Žene često nisu svjesne da su pretrpjele seksualno nasilje, jer su neki oblici takvog ponašanja društveno prihvatljivi. Isključimo i osudimo svaki oblik seksualnog nasilja!"

Osim grafičkih rješenja, producirana su i dva videa u formi izjava domaćih stručnjaka i predstavnika međunarodne zajednice u BiH. Video snimci su podijeljeni na društvenim mrežama u cilju podizanja svijesti o problemu seksualnog nasilja, naglašavanja glavnih izazova i upućivanja poziva na akciju prema ciljanim grupama. Oba videa su pripremljena na BHS i engleskom jeziku. Dostupna su na slijedećim linkovima:

- <https://bit.ly/3tORTWp>
- <https://bit.ly/3nKY6VF>



## Završni događaj


Povodom zatvaranja kampanje „16 dana aktivizma protiv rodno zasnovanog nasilja“, u klubu OKC Abrašević u Mostaru je održana završna panel diskusija i kreativna radionica na kojoj su učestvovali mladi iz Mostara, mladi umjetnici/e kao i stručnjaci i stručnjakinje iz ove oblasti. Kako je jedan od glavnih ciljeva kampanje bio dijalog sa mladim ljudima, naročito kada je u pitanju njihovo razumijevanje seksualnog nasilja i značenje pojma „pristanak“, ovo je bila glavna tema događaja u Mostaru.

U okviru završnog događaja kampanje 16 dana aktivizma održana je diskusija s mladima o prevenciji seksualnog nasilja - Mostar, 10. decembra, 2021.

Foto: UN Women BiH/Adis Nović

U razgovoru o tome šta sve podrazumijeva seksualno uznemiravanje, kako ga prepoznati i prevenirati, pored lokalnih umjetnika/ca i mladih, učestvovali/e su Dijana Tadić (Žena BiH Mostar), Nedim Mičijević (Snaga mladih), psihologinja Marjana Tomaš, kao i ekipa mostarskog Street Arts Festivala i kreativni supervizor, profesor na Akademiji likovnih umjetnosti u Sarajevu, Bojan Hadžihalilović.

Po završetku diskusije održana je kreativna radionica u okviru koje su učesnici/e imali priliku da svoje refleksije iz diskusije prenesu na plakate i na taj način doprinesu dijalogu o prevenciji seksualnog nasilja u BiH. Na događaju je prisustvovalo 30 mladih učesnika/ca.




## Mišljenja mladih o načinima prevencije seksualnog uznemiravanja



*„Mislim da je najbitnija edukacija mladih ljudi kroz koju će shvatiti na koji način mogu da odreaguju i šta trebaju da urade u takvim situacijama.“*

**Bojan Mandić**

18 godina



*„Potrebno je mnogo razgovarati sa mladima, obrazovati ih o tome, naravno i roditelji mogu utjecati kroz odgoj djece, ali potreban je razgovor, prije svega.“*

**Jasmina Graho**

18 godina



*„Mladi mogu doprinijeti tako što će više razgovarati o ovoj temi na način da je to nešto što se sutra može dogoditi nama ili nekome nama bliskom.“*

**Emin Gološ**

18 godina

## Kampanja u medijima

Bh. mediji su pružili značajnu podršku kampanji kroz izvještavanje o aktivnostima kampanje, ali također i kroz specijalne intervjuve i razgovore o temi sa predstavnicama projekta ispred UN Women BH.

Prvi medijski nastup upriličen je na BHRT1 23. 11.2021., kojim je ujedno najavljen početak kampanje, kao i glavni ciljevi kampanje.

Četiri medijska gostovanja održana su na Radio Sarajevu, N1 televiziji, Alternativnoj televiziji Banja Luka i web portalu Gracija.ba.

Ukupno 23 medijske objava u vezi sa kampanjom su objavljene u periodu od 25. novembra do 10. decembra 2021. godine.

### Gracija

VJESTI INTERVIJU NAŠE PRIČE LIFESTYLE

fokusirana na seksualno nasilje u BiH, uz glavnu poruku "Isključimo nasilje, uključimo prevenciju!". Dva su cilja ovogodišnje kampanje – prvi je uticati na donosioce odluka da podrže usklađivanje krivičnih djela u odredbama o seksualnom nasilju sa Istanbulskom konvencijom i zagovarati dostupnost specijaliziranih usluga za osobe koje su preživjele seksualno nasilje. Drugi cilj je proširiti svijest mladih u BiH o seksualnom uznemiravanju žena i poboljšati razumijevanje pristanka u intimnim odnosima. U okviru kampanje organizirana je panel diskusiju sa stručnjakinjama o načinima rješavanja nedostataka u borbi protiv seksualnog nasilja u BiH. Desetog decembra upriličen je susret sa mladim ljudima s kojima je razgovarano na temu pristanka, poštivanja granica, razumijevanja šta sve čini sekusalno uznemiravanje i nasilje. Kampanju su podržali/e predstavnici/e međunarodne zajednice, kao i javne ličnosti u BiH poput Dine Merlini, Mirze Mustafagića, Dijane Tepšić, Maje Čengić i Samire Poričanin Petrešin.



Osigurajmo adekvatnu podršku za žrtvu seksualnog nasilja!

Panel diskusija

### FOTO | Mladi Mostarci razbijali tabu o seksualnom uznemiravanju

Jedan od ciljeva kampanje bio je dijalog s mladim ljudima, naročito kada je u pitanju njihovo razumijevanje seksualnog nasilja i značenje pojma "pristanak", kao ključnog faktora u prevenciji ovog problema.

Bei-Tech / Objavljeno | 10. 12. 2021. u 17:46 Bljesak.info



# SINERGIJA SA DRUGIM INICIJATIVAMA ZA SPREČAVANJE NASILJA NAD ŽENAMA

UN Women kampanja „16 dana aktivizma protiv rodno zasnovanog nasilja“ je uz prestale događaje u BiH i regiji doprinijela podizanju svijesti o nasilju nad ženama s fokusom na seksualno nasilje. U tom smislu se pri konceptualizaciji kampanje vodilo računa da se tematski i sadržajno


uklapa sa ciljevima Trećeg regionalnog foruma "Inkluzivna partnerstva, inkluzivne politike", kao i sa ciljevima Akcione koalicije o rodno zasnovanom nasilju u BiH koja je formalizirana u okviru kampanje Generacija za ravnopravnost.

## Treći regionalni forum: Sprečavanje nasilja nad ženama u zemljama Zapadnog Balkana i Turskoj "Integrисane politike, inkluzivna partnerstva"

Više od 150 učesnika, uključujući predstavnike civilnog društva, regionalnih institucija i vladinih zvaničnika, pridružilo se Trećem regionalnom forumu „Inkluzivna partnerstva, integrisane politike“, koji je održan 1. i 2. decembra 2021., kako bi doprinijeli

unapređenju agende o sprečavanju nasilja nad ženama u zemljama Zapadnog Balkana i Turskoj.

Context:



Forum, koji je pod pokroviteljstvom Vlade Bosne i Hercegovine organizovao UN Women u okviru regionalnog programa za sprečavanje nasilja nad ženama u zemljama Zapadnog Balkana i Turskoj „Provodenje

normi, mijenjanje stavova“, pružio je učesnicima priliku da razmijene iskustva i odrede buduće prioritete za ispunjavanje obaveza iz međunarodnih dokumenata.

### **Glavne preporuke Trećeg regionalnog foruma:**

- **Preporuka za uspostavljanje inicijative "Femicide Watch"- a u zemljama Zapadnog Balkana, Turskoj i subregiji u cjelini;**
- **Poboljšanje pristupa opštim i specijalističkim uslugama za žrtve seksualnog nasilja i zakonodavstvu koje se odnosi na seksualno nasilje u skladu sa Istanbulskom konvencijom;**
- **Uspostavljanje i dalje razvijanje programa za počinioce na nacionalnom i regionalnom nivou;**
- **Sprovođenje efikasnih inicijativa za promjenu ponašanja i zahtijevanje rodno odgovornog medijskog prikaza žena i djevojčica.**



Povodom zatvaranja događaja i podsjećanja da su društvene norme kamen temeljac rodne neravnopravnosti, podijeljen je video u kojem učestvuju fudbaleri iz zemalja Zapadnog Balkana i Turske koji se bore protiv toksične muškosti i nasilja nad ženama. Video je

podijeljen na društvenim mrežama i drugim kanalima kako bi promovirao pozitivne poruke o muškosti i pokazao kako normalizacija nasilja šteti muškarcima i dječacima i nastavlja nasilje nad ženama. Video je dostupan na <https://bit.ly/3KBCeGb>.

## Formalizacija Akcione koalicije o rodno zasnovanom nasilju u BiH

Ovogodišnja kampanja „16 dana aktivizma“ uskladjena je sa globalnom UN Women kampanjom „Generacija za ravnopravnost“. To je kampanja u okviru koje se formaliziraju lokalne akcione koalicije sa ciljem mobilizovanja vlada, institucija, organizacija civilnog društva, uključujući ženske, feminističke i omladinske organizacije,

međunarodnih organizacija i privatnog sektora - kako bi se podstakla kolektivna akcija; pokrenuli razgovori među odgovornim akterima i generacijama; pokrenulo povećanje javnih i privatnih investicija; i ostvario konkretni napredak u pogledu rodne ravnopravnosti kroz generacije djevojčica i žena.



Formalizacija Akcione koalicije o rodno zasnovanom nasilju u Bosni i Hercegovini koja je fokusirana na pitanja seksualnog nasilja - Banja Luka, 3. decembra, 2021.

Foto: UN Women BiH/ Ognjen Crnobrna

U narednom periodu UN Women će u saradnji sa ostalim članovima Akcione koalicije raditi na okupljanju većeg broja članova kako bi se zajedničkim naporima postigli sljedeći ciljevi:

- razotkrivanje strukturalne prirode seksualnog nasilja i uticaja koje ono ima na rodnu neravnopravnost u bh. društvu;
- motivisanje i ohrabrvanje drugih da se pridruže radu Akcione koalicije i zajedničkim naporima u borbi protiv seksualnog nasilja u BiH;
- izrada akcionog plana Koalicije, s mjerama koje doprinose jačanju preventivnih i zaštitnih okvira djelovanja u slučajevima seksualnog nasilja u BiH;
- promocija saradnje, podrške i međusobnog pomaganja u primjeni integrisanog pristupa u eliminaciji seksualnog nasilja i praćenju napretka.

Pokretanje Akcione koalicije o rodno zasnovanom nasilju u BiH obilježeno je 3. decembra 2021. godine u Muzeju savremene umjetnosti Republike Srpske u Banjoj Luci. Na događaju pod sloganom „Zajedno za društvo bez seksualnog nasilja“ istaknuta je važnost usvajanja zajedničkog pristupa i koordinacije napora u rješavanju seksualnog nasilja i seksualnog uznemiravanja.

Učesnici događaja su potpisali Deklaraciju Akcione koalicije o rodno zasnovanom nasilju u BiH, otvoreni dokument kojim se pozivaju novi potpisnici posvećeni naporima za zaustavljanje seksualnog nasilja i uznemiravanja da se pridruže Koaliciji.



Foto: UN Women BiH/ Ognjen Crnobrnja

Formalizacija Akcione koalicije o rodno zasnovanom nasilju u Bosni i Hercegovini koja je fokusirana na pitanja seksualnog nasilja - Banja Luka, 3. decembra, 2021.

# PROMOVIRANJE RODNE RAVNOPRAVNOSTI I OSNAŽIVANJA ŽENA U EVROPI I CENTRALNOJ AZIJI – SAŽETAK ISTANBULSKE KONVENCIJE

## Šta je Istanbulска konvencija?

Zemlje članice Vijeća Evrope su 2005. godine pokrenule veliku kampanju za borbu protiv nasilja nad ženama u Evropi. U okviru kampanje je istaknuta potreba za usklađenim pravnim standardima u cilju osiguravanja istog nivoa zaštite za žrtve u cijeloj Evropi. To je dovelo do izrade mehanizma ljudskih prava za borbu i sprečavanje nasilja nad ženama – Konvencije o sprečavanju i borbi protiv nasilja nad ženama i porodičnog nasilja, koja se također naziva i Istanbulска konvencija.<sup>4</sup> Istanbulска konvencija je prvi međunarodni sporazum koji sadrži definiciju roda kao „društveno konstruirane kategorije“ koja definira „žene“ i „muškarce“ prema ulogama, ponašanjima, aktivnostima i svojstvima koja

im je dodijelilo društvo. Ona uspostavlja čvrstu vezu između postizanja rodne ravnopravnosti i iskorjenjivanja nasilja nad ženama. Na osnovu ove prepostavke, ova konvencija prepoznaje strukturalnu prirodu nasilja nad ženama, kao i to da se radi o manifestaciji nejednakih odnosa moći između žena i muškaraca. Konvencija je stupila na snagu 1. augusta 2014. godine. Do sada je 46 zemalja članica Vijeća Evrope (zemlje članice EU i one koje to nisu) potpisalo ovu konvenciju, a 33 zemlje su je ratificirale. Evropska unija je ovu konvenciju potpisala 13. juna 2017. godine. Istanbulска konvencija je u BiH stupila na snagu 1. augusta 2014. godine.

## Rad UN Women BiH na eliminaciji nasilja nad ženama i nasilja u porodici u BiH

UN Women je od 2016. godine pojačao napore na jačanju institucionalnih i socijalnih mehanizama odgovora u cilju borbe protiv nasilja nad ženama i djevojčicama i porodičnog nasilja u BiH. Uz podršku Švedske i Evropske unije, te u saradnji sa državnim institucijama i organizacijama civilnog društva, UN Women teži ka usklađivanju zakonodavnog okvira i politika sa Istanbulskom konvencijom, te ka jačanju sistema zaštite poboljšanjem dostupnosti, pristupa i kvalitete multisektorskih usluga za žrtve porodičnog nasilja i nasilja nad ženama, posebno onih koje dolaze iz marginaliziranih grupa (Romkinje, žene sa invaliditetom, žene iz ruralnih područja, itd.). Pored rada na povoljnem okruženju po pitanju normi i zaštite, UN Women se također fokusira na rad sa muškarcima, ženama i mladima u cilju promjene njihovih stavova i uvjerenja o rodnim stereotipima i nasilju nad ženama. Ovaj rad također uključuje jačanje uloge medija i vjerskih vođa u cilju sprečavanja nasilja nad ženama i djevojčicama. Fokus je na jačanju uloge lokalnih zajednica u davanju aktivnog doprinosa podizanju svijesti i promjeni štetnih stavova koji produbljuju nasilje.



Zmaja od Bosne bb  
71 000 Sarajevo, Bosna i Hercegovina

[www.unwomen.org](http://www.unwomen.org)  
[www.facebook.com/unwomenbih](http://www.facebook.com/unwomenbih)  
[www.twitter.com/unwomen.bih](http://www.twitter.com/unwomen.bih)  
[www.instagram.com/unwomenbih](http://www.instagram.com/unwomenbih)